

RCA celebrando su 55 aniversario

ORANJESTAD(AAN)--Diarazon anochi directiva di RCA a tene un reuda di prensa relaciona cu 55 aña di existencia di RCA, cual ta 11 lustro cu RCA lo cumpli dia 15 di Februari 1989.

RCA kier a celebra e fecha aki, pasobra den pasado e 50 aña no a worde celebra manera e directiva ta kien.

Mirando e 55 aña aki, e directiva no kier a lage pasa asina y a prepara cu algo bunita.

Sr. Rudy Hoek presidente di Racing Club Aruba a hiba palabrita a duna di conoce, cu manera tur sa cu RCA a ser funda na 1934, door di un grupo di amigonan cu a bini hunto y den pura a lante bao di e nomber "A.B.C."

Nan a cuminda cu simpelmente 16 hungador y despues na 1937 nan a cambia e nomber den "R.C.A.", cual ta Racing Club Aruba.

E promer presidente di "A.B.C." tabata sr. Carmelo Croes (Q.E.P.D.), y e promer presidente di R.C.A. mes tabata sr. Frans Wever.

Segun sr. Rudy Hoek papianando di historia di R.C.A., ta asina cu na aña 1933 un grupo di hobenan bao guia di srs. Emirto Rienhardt, Antonio Morales y Jorge Quillotte, a dicidi di lanta un club di futbol.

Den pura nan a yame "A.B.C." loque ta nifica "Aruba's Beste Club".

E interes pa practica futbol a sigui crece y esaki a duna e grupo e empuhe pa estableci e club formalmente.

Esaki a sosode dia 15 di Februari 1934.

E mesun aña 1934 e club ta afilia na Arubaanse Voetbal Bond y a tuma parti na e campeonato oficial.

E aña ey a termina e campeonato na di cuatro lugar, cu algun hungadornan manera F.Cohen como portero, H. van Dinter (+), P. Matos (+), E. Calatayud (+), M. Loeftok (+), A. Morales, G. Stamper, B. Pieters, J. van Engelen, O. Quillotte, A. de Cuba, y a bini acerca A. Chirino, G. Rosario,

N. Pimienta (+) y F. Boer.

Dia 1 di Februari 1937 e nomber di e club a ser cambia pa "Racing Club Aruba", brevemente R.C.A.

Dia 20 pa 22 di November 1937, un bishita ta ser haci na nos hermana isla Curacao pa efectua dos partido amistoso, un contra "Jong Holland" y un contra "R.C.C."

Ambos partido e aña ey, R.C.A. ta perde cu score di respectivamente 3-1 y 4-1.

Pero e contacto deportivo a keda estableci y te awe ainda e contacto ta existi cu mayoria clubnan di Curacao.

Na aña 1938 e statutonnan a keda aproba y e club pues a bira un entidad legal.

E mesun aña 1938 e campeonato di futbol di Aruba a ser conquista pa promer bez.

Despues RCA a sigui bishita Curacao y otro paisnan e.o. Haiti, dos vez na 1948 y 1950, Caracas, Guatemala na 1949, Br. Guyana na 1951, Barranquilla na 1955, y Suriname na 1956.

Desde fundacion di NAVU por bisa cu R.C.A. cu excepcion di algun aña, a tuma parti na campeonato Antillano.

Na 1964 R.C.A. a conquista e maximo titulo Antillano.

Despues R.C.A. na varios ocacion a titula sub campeon.

Como sub campeon Antillano a efectua weganen na Guyana, Trinidad y tambe a ricibi e equiponan di paisnan menciona na Aruba.

Tambe despues R.C.A. a sigui cu su tripan na Costa Rica, Venezuela (Maracaibo) y Punto Fijo.

Na 1987 R.C.A. a bolbe titula campeon di e maximo division y esaki pa di 27 bez, alavez di dos aña consecutivo campeon di e pais Aruba.

Manera ta conoci den curso



Cai Helder (+), Cheppy Ras, V. Albertsz, Harold Faro, Nolly Becker y Eddy Briezen.

Portero cu a sobresali den nan actuacion pa R.C.A. tabata Boes Tromp, V. Henriquez, Mateo Reyes, G. Loeftok, Feky Caster, E. de Kort, Popy Diaz y Eddy Briezen.

Mencion mester ser haci cu na aña 1952 dos hungadornan di RCA a forma parti di e seleccion Antillano cu a participa na weganen olimpico na Helsinki, esakinan tabata R. Helder (+) y Janny Brokke.

Haciendo esfuerso pa halza e nivel di futbol na nos isla y pa duna e fanaticada e oportunidad pa mira bon futbol, RCA a logra trece Aruba e equipo di Feyenoord y Ajax.

E equiponan aki a hunga contra un ocena di RCA reforza.

Na 1954 RCA a tuma den uso su Centro Deportivo na Solito cu tin facilidadnan pa practica futbol, basketball y volleyball.

Manera cu sa pasa den hopi organizacionnan deportivo, RCA tambe ta ser su "ups and down", pero semper por a logra haya personan cu a duna cooperacion na bienestar di club.

AWOR directamente pa:

MIAMI y PARAMARIBO
TUR DIARAZON cu:
S.L.M. Dc - 8



Salida Paramaribo 10.30
Yegada Aruba 12.05

Salida Aruba 12.50
Yegada Miami 14.20

Salida Miami 15.50
Yegada Aruba 19.20

Salida Aruba 20.05
Yegada Paramaribo 23.40

Pa mas informacion, tuma contacto cu:
Bo Agencia di Viaje of
Air Aruba Tel; 26401

Tene bo pianan
KONTENTU

DrScholl's
ku produktonan di DrScholl's

OPORTUNIDAD PA TRABAO



BOPEL TECHNICAL SERVICES N.V.

tin mester di
UN MAGAZIJNMEESTER

cu experiencia, y cu tin conocimiento di materialnan di installacionnan technico.. Edad minimo, 28 aña. Por pasa solicitacion na CAS PALOMA 70 entre oranan di trabao.

PROBLEMA CU
AIRCO OF
ELEKTRICIDAD
BEL 22188
PA COMFORT
Y
SIGURIDAD

tearasa n.v.